

Na osnovu člana 14. Zakona o putnim ispravama Bosne i Hercegovine ("Službeni glasnik BiH", broj 4/97, 1/99, 9/99, 27/00, 32/00, 19/01, 47/04, 53/07, 15/08, 33/08 i 39/08), Ministarstvo civilnih poslova donosi

PRAVILNIK

O POSTUPKU IZDAVANJA PASOŠA DRŽAVLJANINU KOJEMU PASOŠ NIJE IZDAO ENTITET

Član 1. (Predmet)

Ovim Pravilnikom propisuje se postupak za izdavanje pasoša državljaninu kojemu pasoš nije izdao entitet.

Član 2. (Nadležni organ)

Ministarstvo civilnih poslova Bosne i Hercegovine izdaje pasoš državljaninu koji ispunjava uslove propisane Zakonom o putnim ispravama Bosne i Hercegovine (u daljnjem tekstu: Zakon), a kojemu pasoš nije izdao entitet.

Član 3. (Postupak)

- (1) Lice kojem je odbijen zahtjev za izdavanje putne isprave, a ispunjava uslove propisane Zakonom ima pravo da se obrati organu iz člana 2. ovog Pravilnika radi izdavanja putne isprave, ako je prethodno iskoristio sva pravna sredstva, a nije mogao ostvariti pravo na putnu ispravu u entitetu.
- (2) Lice kojem je odbijen zahtjev za izdavanje putne isprave u entitetu, dužno je uz zahtjev za izdavanje putne isprave organu iz člana 2. ovog Pravilnika priložiti pravosnažni akt nadležnog entitetskog organa, kojim je njegov raniji zahtjev za izdavanje putne isprave odbijen, te potrebnu dokumentaciju kojom dokazuje da ispunjava uslove za izdavanje putne isprave po Zakonu.
- (3) Organ iz člana 2. ovog Pravilnika odlučuje o zahtjevu u skladu sa Zakonom.

Član 4. (Žalba)

Na Odluku Ministarstva civilnih poslova Bosne i Hercegovine može se izjaviti žalba, Žalbenom vijeću pri Vijeću ministara Bosne i Hercegovine.

Član 5. (Stupanje na snagu)

Ovaj Pravilnik stupa na snagu osmog dana od dana objavljivanja u "Službenom glasniku BiH".

Broj 06-2-30-4-152/09
2. jula 2009. godine

Ministar
Mr. Sredoje Nović, s. r.
